山庫全幸

史部

正月三日生宣平坊宅仁宗鞠養于宫中景祐三年授 安懿王第十三子也母曰仙遊縣君任氏以天聖十年 英宗體乾膺歷隆功盛德憲文肅武睿聖宣孝皇帝 次足四年在45 將軍又遷左領軍衛將軍寶元二年皇子生以慶歷元 左監門衛率府副率四年遷率府率五年遷左千牛衛 欽定四庫全書 東都事略卷七 本紀七 東都事略 宋 稱 撰

大赦天下两子皇帝不豫己卯詔請皇太后權同處 宗崩奉遗制即皇帝位于匶前尊皇后曰皇太后癸酉 立至和三年不豫天下共以為憂大臣文彦博富弱韓 金罗也是有量 正寺固辭不受七年立以為皇子八年春三月辛未仁 琦及范鎮司馬光吕誨等屢以為言嘉祐六年英宗居 元年遷右衛大將軍岳州團練使仁宗春秋高皇嗣未 王憂乃命起復右衛大將軍遷秦州防禦使知大宗 月壬申出還濮邸特授右千牛衛大將軍皇祐 卷七

治平元年春正月改元夏五月戊中皇太后歸政閏月 於水昭陵已酉赦两京 祈國公五月富弼樞密使秋九月辛亥皇長子封淮陽 鄉丁為義勇軍十二月吳奎以父憂罷王轉樞密副使 已亥皇長子封領王顥封東陽郡王冬十一月籍陝西 軍國事夏四月已西立皇后高氏皇長子封安國公題 二年春二月癸卯王疇薨三月已已頒明天歷夏五月 王期封郭國公冬十月甲午葬神文聖武明孝皇帝

次足四軍全書

東都事略

田之稼害于有秋竊迹災變之來曾不虚發豈朕之 **漆為沙乃八月庚寅大雨京師室廬墊傷被弱者眾大** 罷文彦博樞密使吕公弼 癸亥陳升之樞密副使秋七月癸亥富弼罷庚辰張昇 之上夙夜以思懼不能上承先帝鴻業而比年以來水 黎民卓蕃以底体平朕甚慕之朕猥以眇身託於王 曰蓋聞古之聖賢在位陰陽和風雨時日月光星辰静 於德而不明於政與將天下刑獄滯冤賦徭煩苦 副使八月庚寅大雨乙未記

金灯吧万

AL THE

諱執政大臣皆朕之股肱協德交脩以輔朕之不逮冬 闕失及當世之利病可以佐元元者悉心以陳母有所 也今飭躬焦思欲消復大異而未聞在位者之忠言進 有愁歎亡聊之聲以好其順氣與不然何天戒之甚著 氏襄國夫人韓氏仙遊縣君任氏宜令皇帝稱親即 次足四甲合 一年春正月丁丑皇太后手書濮安懿王熊國夫人王 自新厥路何由馬應中外臣僚並許上實封言時政 月壬申合祭天地于園丘大赦天下 東都事略

逵同僉書樞密院事秋九月壬子朔日有食之夏人 廟 也自今轉運使常行檢察母得寬縱庚戌胡宿罷郭 以些為園即 獄 正議遂寢三月癸酉上以雨涤 體量 重即 詔曰稱親之禮謹遵慈 、賊善良之人皆古之所甚禁而在上者 具聞奏夏四月丙申記曰夫左道亂法 刑獄冤滞民間疾苦速行辨理及加販 園立廟旣而 御史吕海等言濮王典禮 訓追崇之典豈易克當 詔諸路轉運使提 所同 淫 卹 如 且

鱼为口屋石膏

殿之西階羣臣上尊諡曰憲文肅武宣孝皇帝廟號英 陝西東權判渭州甲辰羣臣上尊號曰體乾膺歷文武 聖孝皇帝十一月戊午皇帝不豫十二月壬寅立皇長 慶州冬十月丁亥詔今後每三年一 **膺歴隆功威德憲文肅武睿聖宣孝皇帝** 宗秋八月癸酉葬永厚陵元豐六年加上尊諡曰體元 四年春正月丁已皇帝崩于福寧殿聖壽三十八殯于 子頴王爲皇太子大赦天下 一開科場郭逵宣撫

といりの という

東都事略

23

位五載盡循父道雖以憂動損壽然甚盛之德固已度 越前王憲章後嗣矣 臣稱曰英宗皇帝之在潜藩也允蹈恭儉力行禮義而 天資明叡物望攸屬仁宗皇帝雅知其賢授以重器在 東都事略卷七

金分口居在書

十日生于濮安懿王之宫邸祥光照室初授率府副率 宗長子也母曰宣仁聖烈皇后髙氏以慶歷八年四月 欽定四庫全書 拜安州觀察使封安國公加同中書門下平章事忠武 神宗體元顯道帝德王功英文烈武欽仁聖孝皇帝英 とこううこう 率府率嘉祐五年遷右千牛衛將軍英宗入繼大統 東都事略卷八 本紀八 東郎事格 Ŧ 撰

之序也自今宜革之三月壬中歐陽脩罷癸酉吳產參 尊習行既久義甚無謂豈可以富貴之故屈人倫長幼 舊制士大夫之子有尚帝女者賴皆升行以避舅姑之 安郡王二月詔曰朕常侍先帝左右恭聞德音以本 密副使戊辰韓琦以司空兼侍中皇弟顥封昌王頹樂 軍節度使封准陽郡王治平元年進封顏王四年春 太皇太后皇后曰皇太后戊午大赦天下丙寅吳奎樞 月丁已英宗崩奉遺制即皇帝位于匶前尊皇太后曰

鈖埞匹库全書

其故殆州 恩然而歷年于兹未極富盛間因水旱頗致流離深 厚陵九月卒卯皇弟 てこうう こう 月 務以奪其時而害其財故也其令逐路轉運司下州 如官吏有差役利害可以寬減者實封條析以聞 已已京師地震癸酉葬憲文肅武宣孝皇帝于永 郡差役仍重勞逸不均喜爲浮完之名不急 題封歧王顔高密郡王卒五韓琦 東郎事略 惟 秋

之本也祖宗以來務加惠養比下寬恤之今賜蠲復

政事閏月庚子詔求直言夏六月辛未詔曰農天下

知

尊號日奉元憲道文武仁孝皇帝司馬光入直因言 首從謀殺減二等論己卯 熙寧元年春正月甲戌朔日有食之改元丙申趙樂罷 對 唐介參知政事秋七月葵西詔謀殺已傷案問欲舉自 方平以父憂罷癸酉种諤率兵取綏州戊寅詔百官轉 政事韓絳邵亢樞密副使葵卯郭達罷冬十月己酉 陳升之知樞密院事奉臣

多定四庫全書

及吳奎陳升之罷吕公弼樞密使張方平趙抃並參

尊號非先王令典願陛下推而不居上用光言不許遂 終身不受尊號甲申京師地震乙酉又震是夕月有食 祖之後為王九月辛未封從式安定郡王冬十一 之辛卯京師地再震八月甲辰京師地震甲子詔封太 亥合祭天地于國丘大赦天下十二月庚申造神臂弓 てこうえ 石參知政事甲子陳升之王安石同制置三司條例 二年春二月已亥富弼同中書門下平章事庚子王安 西邵元罷 21.1. 東那事略 月

多定四庫全書 得 權 以草 夫苛刻之 **今縣官之費不給而民財大屈故特** 月乙酉 必精所言 取宜令三司 天下之 具 其大弊夫事糊於所 財 詔 論 財 用 回朕以爲欲致 利害開奏夏四月甲辰記曰方夏大旱 務 必通 而資之於有 **判官諸** 欲 聚 朘 削 而 求足 路監 於下而斂怨 習 治於天下者必富之而 司 則能 固 能 司 足以成吾富民之術 及内外官限受詔 習 明乎 知其事者 於上者斯亦朕 詔輔臣置司 得失之原今將 馬 則 後 後 於 其 内 所 可 兩

其榮 職 賢助朕憂惕以初制改法救弊除患之時宜令侍從官 皆習見成俗以為當然其以有含章懷實待倡而發者 也今百度墮弛風俗偷情薄蝕災異譴告不一 中以致厥咎與其罷同天節上壽公卿大夫其勉脩 闕 稿朕惟 英愛之來蓋不虚發 豈朕政令未 孚聽納靡 以圖脩復丁未磨介薨丙辰詔曰傳曰近臣盡規以 既而不言乃或私議竊欺若以其責不在已夫豈 耻與上同也今此在位者視朕過失與朝廷政事 一此誠 忠 厥

次定四軍全書

東都事略

二人爲公世世不絕其餘元孫之子將軍以下聽出 恭朕將用此效察在位所以事君之實而明點陟馬丁 士辰太皇太后遷居慶壽宫冬十月丙中富**獨罷陳**升 言無隱噫言善而不用朕有殿咎道之而不言爾爲不 之同中 已遣使八人相度農田水利稅賦科率徭役利害五月 自今視朕過失與朝廷政事之關無有巨細各具章極 戌詔裁宗室授官法唯宣祖太祖太宗之子擇 其後 書門下平章事十一月韓絳同制置三司條 例

宗時改宗室補環衛官驟增廪給其後費大而不可止 秋未熟據民等第以常平及廣惠倉錢斂散取息 官祖免之子更不賜名授官許令應舉初吕夷簡在 次巴马甲氏馬 **邮貧乏並取民情願今處官吏不體此意追呼均配** 三年春正月詔諸路常平廣惠倉給散青苗錢本以惠 子置諸路提舉常平廣惠倉行青苗法應郡縣每歲春 至韓琦為相當議更之而不果上即位遂行之閏月壬 翻成騷擾其令諸路提點刑獄官體量覺察違者立 東都事略

韓絳宣撫陝西東子曾公亮罷辛且馬京參知政事吳 卯趙 士辰吕公弼罷馮京樞密副使九月夏人冠慶州**乙未** 戊午新作來遠驛六月丁五宗室承亮等襲封秋七月 以名 極密副使冬十月夏人冠環慶戊寅陳升之以母憂 密副使光辭三月已亥廷試進士始用策夏四月已 抃罷韓絲參知政事五月罷條例司壬子罷入問 聞敢沮抑願請者按罰亦如之二月壬申司馬光 月韓絳爲陝西河東宣撫使十二月乙五行保

金月口屋 台書

卷八

罷夏五月已灰月有食之司農寺以免役法頒天下秋 九月辛卯大享明堂大赦天下夏國主東常請綏州冬 皇弟獨封嘉王夏人犯延州慶州軍亂三月丁未韓絲 四年春二月丁已朔罷貢舉詞賦科以經術取士壬申 五年春二月丙寅蔡挺樞密副使三月丙午京師置市 甲法于諸路丁卯韓絳王安石並同中書門下平章事 珪參知政事 月两申月有食之增廣太學置三舍

久三りられる

東都事略

宜結鬼章圍河州景思立與戰于路白城死之三月丙 六年春正月辛亥詔奉僖祖神主為太廟始祖二月丙 易務夏六月乙亥置武學冬十月王韶收復鎮洮軍 金分正屋有電 在京納免行錢旱 之己亥文彦博罷冬十月章惇開梅山十二月癸未記 月壬午陳升之樞密使 年春正月乙卯皇子俊封永國公二月甲中吐蕃青 河州遂復洮岷疊宕等州夏四月甲戌朔日有食

虚四海之内被災者廣間 禧來言薊應朔三州地界命韓鎮報聘又命劉忱蕭 塞責消變歷日滋久未蒙休應嗷嗷下民大命近止中 不得於理與獄 元吕大忠同商量地界于代州 已日月上十二 于致治政失厥中以干陰陽之和乃冬远春旱暖為 以興震楊靡寧永惟其咎未知攸出意者朕之聽 王韶軍寧河解 訟 非其情與賦斂失其節與忠謀謹 河州圍已西木征降两辰遼主遣 來都事略 記有司損常膳避正殿真 乙丑詔曰朕涉道日淺

度丙戌王安石罷韓絲同中書門下平章事吕惠卿參 鬱於上聞而 稔今旱暵雖 將親覽放求其當以輔政理三事大夫其務悉心交做 不 姕 恐 效也應中外文武臣僚並許實封直言朝政關失朕 朕志高夏四月已已上以久早見輔臣嗟嗔懇 石曰水旱常數堯湯所不免陛下即位以來累年豐 懼如此者正為人事有所未修也辛未颁方田 遠但當修益人事以應天災耳上曰朕所 阿諛雞蔽以成其私者眾與何嘉氣之久 惻

金分四屋台書

世 ここりら ここ 令 效固已可見士大夫其務奉承之以稱朕意遼主遣 政事已丑詔曰朕嘉先王之法澤於當時而傳於後 北十七府界七京東十京西三冬十月己未合祭 布 可謂威矣故夙與夜寐八年于兹度時之宜造為法 圈丘大赦天下王 春正月庚子蔡挺馮京罷二月丙寅皇子個封 梁嗣來辛亥罷制科秋九月蔡挺請置三十七 之四方皆稽合先王參放羣策而斷自朕志已 韶 東部馬谷 樞密副使 將

院事乙已皇子倜薨交趾陷欽廉白三州辛亥命趙高 赦天下十二月壬寅元絳參知政事曾孝寬放書樞密 多定匹库全書 之罷壬子宗室世居反伏誅秋八月庚戌韓絳罷冬十 四月戊寅吳充樞密使庚寅廢沙苑監閏月己未陳升 月庚戌吕惠卿罷丁酉彗出軫已亥詔求直言壬寅大 再遣蕭禧來命韓縝乗驛會議癸五命沈括使于遼夏 李憲討之尋罷憲以郭達為宣撫使而高副之 國公葵西王安石同中書門下平章事三月庚子遼主 巻、ハオ

詔濮安懿王諸子襲封濮國王奉 吳充王珪並同中書門下平章事馮京知樞密院事 月廖恩叛于南劔州秋七月已亥廖恩降冬十月癸 九年春正月庚辰交趾陷邕州守臣蘇緘死之秋八 二月甲午遣内侍李憲措置邊事 年春二月已亥王部罷两午交趾李乾德納款夏 孫庚子皇子俊薨十一月甲戌合祭天地于園丘 展記司農寺罷鬻天下祠廟冬十月两午王安石罷 祠事後承襲遍

役凡三年十二月壬子皇子价薨置大理獄 薛向並同知樞密院事冬十月丁未重修 欽定四庫全書 侍宋用臣導洛通汴 樞密院事已亥曾孝寛以父憂罷秋九月乙酉吕公著 赦天下十二月壬午韶改元丁亥皇第六子封均國 价建國公 元豐元年春正月庚申月有食之閏月壬辰孫固同 年 春瀘州蠻乞第反以韓存實討之三月庚辰以內 夏五月庚辰詔曰濮安懿王先帝 都城畢工與 尖口

次定四年在十二 戌赦天下乙卯太皇太后曹氏崩十二月乙已詔酌 官實興之意立太學三舍選察升補之法 斟酌典禮即園立廟詔王子孫蔵時奉祀義叶恩稱後 申元絳罷戊子蔡確參知政事六月清汴成冬十月庚 置而不請曷足以彰先帝甚盛之德仰承在天之志乎 世無得議馬今三夫人名位或未正塋域或異處有司 三年春二月丙午章惇參知政事三月乙丑吳充罷癸 三夫人可並稱曰王夫人命主司擇歲月速袝濮園甲 東都事略 周

絥 癸未彗出西方丙戌詔曰乃孟秋癸未彗出西方朕甚 崇稱號以自飭哉泰漢以來尊天子曰皇帝其亦至矣 懼馬其令中 近司奉辟 金少口万 朕 皇以道帝以德王以紫各因時制名用配其實何必 西葬慈聖光獻皇后于永昭陵秋七月甲戌詔曰朕 非朕所以若稽先王之意自今每遇大禮罷上尊號 承祖宗之休宅士民之上凡虚文繁禮悉已革去 11 ,猶或時以稱號見請雖出於歸美報上之忠 外臣僚並許直言朝政關失朕虚心以改 卷八 惟

堂惟以 屬 成周以事建官以爵制禄小大詳要莫不有叙分職 狱 欠巴田戶台等 丘 丘 親 丁亥詔曰孝莫大於嚴父嚴父莫大於配天而屬有尊 後足以適等親遠近之義其将來祀英宗皇帝於明 祀 而 之殊禮有隆殺之别故遠而尊者祖則祀於郊之 而萬事條理國家受命百年而官政尚愧前聞參酌 天則 配天通而親者補則祀於國之明堂而 配上帝 對越諸神明堂則上帝而已故其所配如 餘從犯羣臣悉罷八月乙已詔曰朕嘉 東都事略 配上帝 此 圛 圛

損益超時之宜使臺省寺監之官實典職事領空名者 年 密院事韓鎮同知院事三月癸卯章停罷甲辰張 赦天下癸未薛向孫固並改 冬十月甲戌月有食之十一月已丑 雍 切罷去而易之以階因以制 王 春正月改五路義勇為保甲辛亥馮京罷孫 具奏九月乙亥初行官制辛己大享明堂 **稠曹王馮京樞密使薛向罷丁亥吕公著改** 禄凡厥恩數悉如舊章 樞密副使丙戌皇弟 朔日有食 用新 之 固 顥 知

金分口屋子書

老八

内侍王中正節制鄜延内侍李憲節制環慶涇原髙遵 葵卯斬韓存實于軍更命林廣將存實兵平乞弟九月 問罪夏人辛未月有食之五月庚子皇子倜薨秋七月 裕以環慶之師劉昌祚以涇原之師种誼以鄜延之 參知政事夏四月种諤言夏人害其主秉常議討之遣 五年春正月林廣追逐乞第至歸來州二月癸已還師 乙酉復蘭州冬諸將之師至靈州城下敗績十二月詔 師林廣與乞第戰敗之 師

欽定四庫全書

東都事略

ķ

事體太重上曰三省體均中書省揆而議之門下省審 旨更不帶三省字行出是日輔臣有言中書省獨取旨 尚書右丞丁丑吕公著罷六月丙辰詔自今事不以大 夏四月壬子日有食之癸五更官制以王珪爲尚書左 而覆之尚書省承而行之苟有不倫自可論奏不當緣 小並中書省取古門下省覆奏尚書省施行三省同得 下侍郎張璪改中書侍郎蒲宗孟尚書左丞王安禮 射兼門下侍郎蔡確尚書右僕射兼中書侍郎章惇

王東常納款五辰皇子必封儀國公庚子加上仁宗英 六年春正月丁丑朔新玉輅毀夏閏六月乙亥朔夏國 此 死之冬十一月乙酉奉安祖宗神御于景靈宫大赦天 月甲戌城永樂夏人來攻戊戌城陷徐禧李稷李舜舉 以亂體制也秋八月壬子皇第六子封延安郡王九

欽定四庫全書

東都事略

宗尊諡秋七月丙辰孫固罷韓鎮知樞密院事安壽同

知院事八月丁亥月有食之辛卯蒲宗孟罷王安禮尚

朔皇太后垂簾立皇子延安郡王為皇太子乙未大赦 月庚午皇子似封和國公 月甲寅王安禮罷八月已五皇子侯封成國公冬十 于圜丘大赦天下 甲戌皇第十一子封寧國公十一月丙午祭昊天上帝 書左丞李清臣尚書右丞冬十月夏國主東常遣使來 七年春三月丁已皇子延安郡王侍宴于集英殿秋七 年春正月戊戌皇帝不豫甲辰大赦天下三月甲午

欽定四庫全書 臣稱曰宋自建隆迄于治平百年之間四聖相授深仁 諡曰體 元顯道帝德王功英文烈武欽仁聖孝皇帝 德建功欽仁皇帝崇寧三年再加上尊益曰紹天法古 厚澤浹于人心者至矣承平日久事多舒緩神宗皇帝 運德建功英文烈武欽仁聖孝皇帝政和三年改上尊 月乙酉葬永裕陵紹聖二年加上尊諡曰紹天法古運 **階羣臣上等諡曰英文烈武聖孝皇帝廟號神宗冬十** 天下戊戌皇帝前于福寧殿聖壽三十八殯于殿之西 東都事略

述之 神宗末年蓋亦悔矣而臣下不能將順其意此後日 道以睦九族尊經術之士以作人材 財力 論所由起 然圖义立政造 阜國 典以正百碎制 可謂厲精之主矣雖 水上之利 時散薄斂以行補助之政嚴修保 th 争以新 九軍而攘四夷凡所 而 厚農桑分南北之祀 代之治於是廣親親 狄 銃于始者其終必悔 弛力役以便民通 制 伍以為 作 而 欲 侑 袓 いく

次定四車全書				
東都事略				
+五				

東都事略卷八				おりした とう
				. 卷八

欽定四庫全

書東史

東都事略卷九至史部

编修臣表謙覆勘詳校官庶言士臣何道沖

整對官編修臣許北格覆校官編修臣曹 城

次定四年全售 温進止中度牢臣王珪 以熈寧九年十二月 節度使封均國公元 武齊聖昭孝皇帝 神宗宴百官于集

太皇太后皇后曰皇太后德妃朱氏為皇太妃已亥大 · 技奏言去冬常奉聖訓皇子延安郡王來春出閱願蚤 稱賀神宗曰皇家慶事與卿等同之令皇子與珪等 子戊戌神宗崩奉遺制即皇帝位于暨前尊皇太后曰 月甲午朔皇太后垂簾於福寧殿是日立哲宗為皇太 建東宫又奏請皇太后權同聽政神宗首肯越明日三 見珪等再拜稱謝八年春神宗寢疾彌留二月癸未 天下皇叔顥封楊王 **題刺王皇第封遂寧郡王似** 相

金号电影

1111

欽定四庫全書 道夙夜祇畏不敢皇寧懼無以章先帝之休烈而安輯 薨戊午蔡確尚書左僕射兼門下侍郎韓鎮尚書右僕 甲養馬壬申罷免役錢五月乙未詔求直言庚戌王珪 壅蔽敷求讜言以輔不逮然後物情編以上聞 射兼中書侍郎章惇知樞密院事司馬光門下侍郎六 天下之民永惟古之王者御政之始必明目達聽以 月丁亥詔曰朕紹承熊謀獲奉宗廟初攬無政鬱于大 東都事略

寧郡王俱咸寧郡王似普寧郡王夏四月辛未詔寬保

烈武聖孝皇帝于永裕陵丙戌罷方田 親覽以改其中而施行之秋七月戊戌日公著尚書左 臣僚及民無並許實封直言朝政關失民間疾苦在京 VJ 元祐元年春正月庚寅朔改元丙戌太皇太后詔曰原 丞罷保甲八月丙子日有食之旣冬十月乙酉葬英文 於登開檢鼓院投進在外於所屬州軍 肵 以進戒上下交做以遂文武之助朕甚慕馬應中 下究詩 不云乎訪予落止此成王所以求助而羣臣 驛置以聞朕

萬歲之後當從英宗皇帝於治隆上以寧神明中以成 廟 吾子之志下以安民之心不亦善乎二月乙丑罷雇 殿推之本留以待未亡人也可即其地立神宗原廟 展則懼成煩擾欲採摺納之議皆合帝后為一 無以稱神宗欽奉祖考之意間治隆殿後有園池以 事當營館御以奉神靈而宫垣之東密接民里欲加 殿以崇嚴祖考其孝可謂至矣今神宗既已升祔於故 之立所從來久矣前日神宗皇帝初即祠宫並建寢 殿則 慮 開

欽定四庫全書

東都事略

皇弟偲封祁國公九月丙辰朔司馬光薨辛西大專明 公著門下侍郎两午李清臣尚書左丞吕大防尚書右 秋 博以太師平章軍國重事五月丁已 五韓鎮罷壬寅吕公著尚書右僕射兼中書侍郎文彦 庚寅蔡確罷司馬光尚書左僕射兼門下侍即壬辰日 丞辛亥章惇罷乙卯范純仁同知樞密院事夏四月己 七月辛西韶以十科舉士八月辛卯罷俵青苗士辰 卯詔內外待制大中大夫以上各舉監司二人閏 朔韓維門下侍 月 郎

卷九

雖皇帝盡孝愛之意務極尊崇而朝廷有損益之文各 郎劉擊尚書右丞以浮屠安强葭蘆米脂四岩歸于夏 堂大赦天下已卯張璪罷冬十月戊午日大防中書侍 欠二日日 二十 豐功宜見隆異顧予凉薄絕企擬音稽用售儀實有慙 從宜稱仰惟章獻明肅皇后輔佐真廟擁佑仁宗茂紫 而有司遵用章獻明肅皇后故事予當受冊於文德 二年春三月丁已太皇太后詔曰祥禪既終典策告具 東部事后

多分 與 御哉夏四月早辛卯 抑忠言壅於上間而德澤不下流與 **迄夏旱赐為虐四方之内被災者廣生民嗷嗷無所** 涉道日淺昧于致治萬事失中以干陰陽之和乃自冬 母后臨朝 徳 功罪失當而賦 永維災變之來蓋不虚發意者朕之聽納 所有將來受冊可止就崇政殿太皇太后諭 四月全書 非國家盛事文德殿天子正牙豈女主所當 稅 詔曰朕承祖宗之体獲紹大統 無節與民力屈竭而土木不息 龙. 何灾異之滋至也 不得於 轨 政 告 與 理 回 而

自 非克 乃於此時欲以隆名盛禮加我是實予之不德 後 夫冊 今避正殿減常膳公卿大夫其勉修厥職共圖消 不克 亥太皇太后 雖 冊禮宜權停罷 側 已思過洗心脩德其何以答塞天變協至太和 典備 躬永 稱況今旱職為虚苗稼將搞民則 物以致隆名國之盛禮 思損膳自戒尚慮無以塞責消變而 詔 日有司奏受那當依典故在 丁未詔 口祖宗設六科之選策三 也行於和平之 何 罪谷實在 從吉 所 有 有 可 司 復 Ð

爲始西蕃首鬼章犯南川岩遂城洮州遣游師雄行邊 歸于治而已今復置賢良方正能直言極諫科自今年 月辛五安燕知樞密院事秋七月辛未韓維罷八月 五月丁亥李清臣罷劉擊尚書左丞王存尚書右丞六 士多通於經術而知所學矣宜復制策之科以來拔 新人材變天下之俗故科目之設有所未遑今天下之 材神于治道蓋乃帝王之道損益趣時不必盡同 同

一一一一一一一一一一一

老九事明

道之要以網羅天下賢儁先皇帝

興學校崇經術以

尚書左僕射兼門下侍郎范純仁尚書右僕射兼中書 欽定四庫全書 宗愈尚書右丞趙瞻舜書樞密院事六月夏人冠邊荆 侍郎孫固門下侍郎劉擊中書侍郎王存尚書左丞胡 月甲辰詔百官觀新樂甲寅太皇太后詔曰官沈之患 論典故以聞夏人冠邊八月皇叔顥封徐王冬閏十二 三年夏四月辛已吕公著以司空平章軍國事吕大防 雄以种誼入洗州擒思章青宜結以獻 老北部事略

私實同毫末忠義之士當識此誠各忘內顏之思共成 天下青望之重苟有利於社稷吾無爱於髮膚知此恩 放求其本尚非裁損入流之數 無以澄清取士之原吾 所從來尚矣流弊之極實萃于今以闕計負至相倍從 從母后之比今當又損以示必行夫以先帝顧託之深 私親舊無定限自惟薄德敢配前人已詔家庭之恩止 今自以則身率先天下永惟臨御之始當敕有司蔭補 上有久開失職之吏則下有受害無告之民故命大臣

節約之制今後每遇聖節大禮生辰合得親屬恩澤並 欽定四庫全書 彦尚書左丞許將尚書右丞趙瞻同知樞密院事秋七 四分減一皇太后皇太妃準此 月庚辰安燾以母憂罷九月辛已大享明堂大赦天 四年春二月甲辰吕公著薨三月已卯胡宗愈罷夏五 月甲申月有食之六月甲辰范純仁王存罷丙午韓忠 俞中書侍郎 月葵未孫固知樞密院事劉韓門下侍郎傅 **老九事略**

成冬十月庚午幸太學十一月乙酉朔劉擊罷辛五傳 堯俞薨 **叟愈書樞密院事癸已蘇轍尚書右丞秋上清儲祥宫** 六年春二月辛卯劉擊尚書右僕射兼中書侍郎王巖 中韓忠彦同知樞密院事蘇頌尚書左丞夏四月丙午 五年春二月庚戌文彦博致仕三月丙寅朔趙瞻薨壬 孫固薨自去冬不雨至于五月丁亥始雨冬十二月辛 卯朔許將罷

太皇太后謂輔臣曰郊祀依仁宗先帝故事召大防蘇 書右丞劉奉世敛書樞密院事王嚴叟罷秋九月壬辰 蘇頌尚書右僕射兼中書侍郎蘇轍門下侍郎韓忠彦 月戊戌御文德殿發冊以吕大防為奉迎使六月辛酉 七年夏四月已未立皇后孟氏甲子詔皇后具六禮五 上帝 極密院事范百禄中書侍郎梁燾尚書左丞鄭雅 蘇頌以天地合祭爲是范百禄以元豐六年南郊 11:11:11: 配以太祖未可輕改大防等議以皇帝即位未 尚

當親祀天地合行合祭之禮為有名遂降詔曰國家郊 冬至合祭天地于國丘元豐間有司援周制以合祭不 聖休德鴻緒今茲裡禮鎮幣上帝裸鬯廟室而地示大 廟時祀祖宗以來命官攝事惟三歲一親郊則餐清廟 依熙寧十年故事設皇地示位以嚴並況之報冬十 設皇地示位而宗廟之饗率如權制朕以涼昧嗣承六 應古義先帝詔定親祠北郊之儀未之及行是歳郊 久未親祀矧朕方郊見天地之始其冬至日南郊宜 卷九事明

|欽定四庫全書

師之長敬若時令哀於庶獄以不應朕志丁已詔曰朕 循延蔓久不為決干陰陽之和非細故也其詔天下官 抵法繫縛囹圄其深文之吏或不能體朕欽恤之意因 詔 八年春三月甲申 月癸已合祭天地于圜丘大赦天下 祖宗嚴奉郊廟每以三歲對越二儀先帝元豐之末 方丘特祭之儀蓋將補一代之闕容振百王之墜典 曰方夏暑時動植之類皆以遂其長養而吾民觸禁 -蘇頌罷辛卯范百禄罷夏四月癸五

是月皇帝親政 戊辰大赦天下九月戊寅太皇太后高氏崩于壽康殿 右丞鄭雅尚書左丞已西葬宣仁聖烈皇后于永厚陵 紹聖元年春二月丁未李清臣中書侍郎鄧潤甫尚書 祐 朕以非德嗣守丕基列聖已行謹當遵奉先朝未舉懼 仁尚書右僕射兼中書侍郎八月辛酉太皇太后不 不克堪理既不疑事無可議今後南郊合祭天地依元 七年 例施行六月戊午梁燾罷秋七月丙子朔范純

| 欽定四庫全書

老九事曜

庭堅 僕射兼門下侍郎范純仁罷閏月癸酉詔罷十科舉士 未曾布同知 劉奉世罷乙五鄧潤甫薨丁卯復免役保甲法六月癸 交巴四年亡島 制科冬十二月甲午販賣元祐史官范祖禹趙彦若黄 甲申安素門下侍郎五月甲辰詔進士專治經術辛亥 三月壬申朔日有食之乙亥吕大防罷戊子皇叔顥封 王丁酉蘇轍罷夏四月癸丑改元壬戌章惇尚書左 樞密院事貶責元祐臣察秋九月庚戌罷 東都事略

戌許將尚書左丞蔡十尚書右丞辛已皇叔顥封楚王 金グロルと 邊秋七月癸卯月有食之九月折可適與夏人戰于雞 合祭自今間因大禮之歲以夏至之日躬祭地祇于北 二年春三月加上神宗尊諡夏四月庚午詔恤刑獄秋 郊三月辛亥皇弟似封申王皇弟封端王六月夏人冠 九月辛亥大享明堂大赦天下冬十月甲子鄭雅罷 三年春正月庚子韓忠彦罷二月夏人犯邊戊子詔能 十一月 乙未安燾罷 老九 甲

议定四軍全書 黄履尚書右丞夏六月癸未朔日有食之秋八月已酉 后孟氏廢居瑶華宫冬十月夏人犯邊 **彗出西方九月壬子詔曰彗出西方災譴為大朕甚** 密院事林希同知院事許將中書侍郎蔡下尚書左丞 乾嶺敗之已 西滁州沂州地震五子楚王颢薨己卯皇 追販而召大防劉擊梁燾等亦宜量罪示罰凡三十 人皆貶甲子文彦博降太子少保閏月壬寅曾布知樞 年春正月庚戌李清臣罷二月章惇言司馬光等已 . 東都事略

獻王聖甲戌皇男侯封華 祀昊天上帝 師 朝 馬公卿各宜悉心修政輔朕 月壬辰林希罷五月戊申朔皇帝受傳國寶吕惠卿 元符元年春三月戊午殺内侍陳行乙五咸陽民段義 年春三月遼國遣蕭德崇來夏四月癸已皇第偲封 破夏人于大沙堆六月戊寅朔改元冬十一月甲 政關失朕將親覽乙卯大赦天下 于國丘大赦天下 王似簡王偲永寧郡王夏 不 德仍許中外臣僚直 вф 言 四

睦王五月癸亥進策西安城于天都山六月韶親祀北 壽二十五殯于殿之西階羣臣上尊諡曰欽文睿武的 辛已黄履罷乙未皇子薨 郊並依南郊儀制秋八月皇子生赦天下丁酉王贍 孝皇帝廟號哲宗七月壬寅葬永泰陵崇寧三年加上 三年春正月戊寅大赦天下已卯皇帝崩于福寧殿聖 **她劉氏立為皇后関月收復青唐以瞎征隴抄等來歸** 納青唐王子瞎征九月庚子朔夏國遣使來丁未以賢 招

次足四軍全替

東都事略

ナ

聖親政 厚而事其上也 烏庫哲宗之英毅開敏有能致之資惜乎大臣不以 登進忠賢以安天下故元祐致治之盛庶幾仁宗及紹 臣 齊聖昭孝皇帝 政和三年改上尊諡曰憲元繼道顯德定功欽文睿武 尊益曰憲元繼道世德揚功欽文睿武齊聖昭孝皇帝 金グロろん 稱 曰哲宗皇帝爰自沖年嗣膺大歷是時宣仁共政 起熙豐舊人而用之元祐政事一切務以相 忠 反

火臣り車上上					
東都事略			·		
+=				r	

東都事略卷九					3
卷九			-		
					老力
	-				
		,	·		

拜平江鎮江軍節度使封端王元符三年春正月已卯 十日生后就館之月陰雨弥句既誕天氣澄霽六年授 宗第十一子也母曰欽成皇后陳氏以元豐五年十月 徽宗體神合道駿烈遜功聖文仁德憲慈顯孝皇帝神 鎮寧軍節度使封寧國公八年封遂寧郡王紹聖三年 欽定四庫全書 東都事略卷十 本紀十 宋 £, 稱 撰

次定四車全書

東都事略

未追册贵儀陳氏為皇太妃丙戌皇兄似封陳王戊子 帝已棄天下惇等哭皇太后曰皇帝無子天下事須早 長 定博獨属聲曰當立同母弟皇太后曰神宗諸子申王 殿奉遺制皇太后權同處分軍國事庚辰大赦天下癸 以禮律同母弟簡王當立皇太后曰俱是神宗子豈容 哲宗崩皇太后坐福寧殿東垂簾謂字臣章惇等曰皇 分别當立端王惇等唯唯承命王入即皇帝位于福寧 而有目疾次即端王當立惇曰以年則申王長當立

皇弟侯封衞王似蔡王偲定王二月丁未立皇后王 之德澤有不下究問間之疾若有不上聞咸聽直言 況今周行之内人有所懷獨義之中言皆可采凡朕 期 庚申韓忠彦門下侍郎黃履尚書右丞三月太史言四 大正の馬んなか 月朔日當食庚寅詔曰太史前告天將動威日有食之 在 闕失若左右之忠邪政令之否臧風俗之歲惡朝 將 以彌綸 正陽之月變異甚鉅殆不虚生夙夜以思未燭 初政消弭天笛自非藥石之規孰開朕聽 東都事略 躬 氏 厥

僕射兼中書侍郎李清臣門下侍郎蔣之奇同知樞密 院事庚戌皇長子生辛亥大赦天下五月癸酉皇太后 酉赦天下八月壬 寅葬欽文睿武昭孝皇帝于永泰陵 詳議以聞丙子廢后孟氏復為元祐皇后皇后劉氏為 詔 有忌諱夏四月丁酉朔日有食之甲辰韓忠彦尚書右 丁未詔曰朕恭惟仁宗皇帝躬天地之度以仁治天 元符皇后乙酉蔡十罷秋七月 丙寅朔皇太后歸政癸 曰瑶華廢后累經大霈其位號禮數令三省樞密院

金好匹屋有書

崇之典闕孰甚馬其令禮官放定仁祖神考廟制詳議 Carlo and Aran 侍郎壬寅曾布尚書右僕射兼中書侍郎已未詔曰神 以間庚戌禮官言二宗之廟請如聖韶永祀不祧與天 天下規模宏遠凛凛乎三代之風而廟祏之制未及尊 授英宗以神器之重指宗社於泰山之安功隆德厚孰 辛未章惇罷冬十月丁酉韓忠彦尚書左僕射兼門下 無極詔恭依建景靈西宫九月庚午皇長子封韓國公 可擬議神宗皇帝以聖神不世出之資慨然大有爲於 東都事略

密院事庚辰黄履罷辛卯范純禮尚書右丞十二月戊 尔中外 是與常用中以與天下休息以成朕繼志述事之美咨 不取朕於爲政取人無彼時此時之間斟酌可否舉措 考以天縱之聖厲精治道内修法度外關境土新 **損益惟時之宜 旌别忠邪** 之典則以遺我後人而往者任事之臣用心或過朕所 失其當人 服我訓誡十一 人材各得其所則能事畢矣無偏無黨正直 月庚午韶改元戊寅安壽知樞 用捨進退惟義所在使政事

一多 员四库全書

事陸佃尚書右丞章梁同知樞密院事九月趙諗及于 范純禮罷秋七月丙戌安壽罷丁亥將之奇知樞密院 陳氏改裕裕陵六月庚寅朔皇長子封京北郡王戊午 食之五月丙寅葬欽聖憲肅皇后于永裕陵欽慈皇后 方甲戌皇太后向氏崩于慈寧殿夏四月辛卯朔日 建中靖國元年春正月壬戌朔有赤氣起東北弥亘西 申赦天下是歲以湟廓部三州歸于青唐 X 1.10 101 1.11. 渝州冬十月乙未李清臣罷十一月庚申陸佃尚書左 東部事略 有

詔改元 **多灾四周全書** 崇寧元年春正月河東地震二月戊戌趙諗伏誅康子 皇子煩封魏國公辛五皇太妃朱氏薨夏五月庚申韓 丞温益尚書右丞庚申祀昊天上帝于圜丘大赦天下

書右丞関六月壬戌曾布罷秋七月戊子蔡京尚書右 將門下侍郎温益中書侍郎蔡京尚書左丞趙挺之尚 忠彦罷戊辰欽成皇后科葬裕陵已卯陸四罷庚辰許

僕射兼中書侍郎甲午都省置講議司庚子章梁罷八

求直言蓋欲廣朕聞見裨益政治比以所上章疏付之 欧定四車全書 罷蔡十知樞密院事甲戌元祐皇后復居瑶華官十 力陳父子兄弟繼述友恭之義者四十一人悉令旌握 有司效其邪正令具名來上其間忠言讜議指陳闕 月乙酉溪洞徽州并誠州納土甲辰詔曰元符末下詔 月辛未開封府置居養院甲戌蔡京請天下並置學養 張商英尚書右丞建辟雅外學冬十月癸亥蔣之奇 做太學三舍為改選升補之法已卯趙挺之尚書左 Į 東都事略

氏為太后居崇恩官甲子蔡京以陕西鑄大銅錢當 京尚書左僕射兼門下侍郎二月甲寅以元符皇后劉 以勸多士內有附會姦惡誣毁先帝政事總五百四十 分りでき 等第責降以戒為臣之不忠者戊申皇子楷封高密郡 二年春正月乙未辰沅溪洞納土壬寅温益薨丁未蔡 十人可逐之遠方次等四十一人 其言亦多該訛各逐 人然言有淺深罪有輕重取其試機誇斥尤甚者三 7:1:1:1

序典禮可務令禮官詳議聞奏其後禮官言當挑宣祖 祖 密院事五月已亥皇子楫封楚國公秋七月戊寅朔青 夾錫錢當二夏四月已已大赦天下戊寅趙挺之中書 次定四年全書 一 甲辰詔曰自京師至于郡縣春秋祈報偏于天下者唯 廟又桃翼祖則哲宗科廟父子相承當為一世桃遷之 唐來納土八月戊申張商英罷九月庚寅詔曰本朝傳 至仁宗始備七世當英宗科廟上桃順祖暨神考科 `郎張商英尚書左丞吳居厚尚書右丞安惇同知樞 東都事略

倣 三年 不修民得畜牧種蓺於其問春秋行事取具臨時乃或 稷爲然今守今不深惟 周官 州縣置漏澤園壬子皇子 役 祀典之意其令監司 用弗備粢盛弗蠲齋被 春正月戊子詔 司 夜 则 圈之法令諸 拘 Ž 視罪之輕重以為久近之 江 迎歷 州築園土以 池 其故以是爲不急之祀擅遺 饒建州鑄當十大錢二月 弛 所至察不如儀 懈 楫 裸 封南陽郡王三月丁亥 獻失度甚不副朕 居强盗貸死者畫 限許出園 者 稱

又万

111

卷十

之禮近及祖考始非先王尊祖奉先之意其議奏六月 樂安郡王楫薨丙申詔曰乃者有司以哲宗嗣承神考 揖封樂安郡王乙丑罷講議司王厚復青唐五月癸酉 土充軍無過者縱釋之辛五大內災夏四月辛酉皇子 萬世不桃者今已五宗則七廟當桃者二宗而已遷毀 父子相繼自當爲世故上礼宣祖惟我祖考功隆德大 丙午記諸路州軍未置學處並置學養士壬子置等學 丁已籍元祐姦黨以司馬光為首凡三百九人刻石于 東都事略

大三日野とこう

|詔有司講議其方成書來上悉推行之 舉之令其法始於畿甸而未及行於郡 國公丁亥詔曰昔神考當議以三舍取士而罷州郡 癸已建九廟冬十 張康國尚書左丞鄧洵武尚書右丞皇子樞封吳國 許將罷九月乙亥趙挺之門下侍郎吳居厚中書侍 文德殿門之東壁秋七月上神宗哲宗尊臨八月丙午 祖廟並復十一月甲戌幸太學辟雅丙戌皇子杞封真 月夏人冠涇原已已記 設辟雅於國 國肆朕纂圖 已桃翼祖宣 制 郎

金好四月全書

图 罷 達同知院事何執中尚書左丞乙卯頒方田法于天下 卡罷二月已酉置三衛府甲寅張康國知樞密院事劉 昊天上帝于國丘大赦天下十二月戊午安停薨 以待止之升貢者其詔天下除將來科場如故事外並 四 年春正月丙戌詔於帝縣宫立大角鼎星祠丙申 郎戊午復銀州丁卯 月趙懷德降三月甲辰趙挺之尚書右僕射兼中書 州郡發解及省試法其取士並縣學校升貢丙中祀 拼 牁夜 郎納土夏五月乙丑 詔

とこりえとい

東郴事略

金 之協於度數播於聲詩其樂與天地同流雅頌不作 詔 四面置鋪屏衞京師八月九鼎成甲申奉安九鼎戊子 丙子與復解池鹽寶戊子趙挺之罷秋七月丁已京畿 置漏澤園朕之志於民深矣監司守令奉行母忽六月 之法若疾而無醫則為之置安濟坊貧而不葬則為之 生送死尚未能無憾朕甚憫馬今鰥寡孤獨既有居養 曰民為邦本本固邦寧天下承平日久民既庶矣而養 即 國丙已之地建明堂辛卯詔曰道形而下先王體 四月全書

夕日日年日日 為度之義以上年二十四當四六之數取上中指以為 舊樂勿用時蔡京用魏漢律鑄鼎作樂漢律取尚書身 朕將薦郊廟專鬼神和萬邦與天下共之豈不美與其 起律因律以制器按協於庭八音克諮祖宗積累之休 矣去聖逾遠遺聲弗存西者得隱逸之士於草茅之賤 王亦各異名今追干載而成一代之制宜賜名曰大晟 上帝克相豈朕之德哉昔堯有大章舜有大韶三代之 **獲英莖之器於受命之邦適時之宜以身為度鑄鼎以** 東都事略

貢之 王辰日有黑子十二月 乙亥詔大司成及德行道鼓歲 惟 五年春正月庚子彗出西方甲辰吳居厚門下侍郎劉 王之政也應京畿三路保甲並於農隙時教閱冬十月 西置蕃學九月已亥大赦天下詔元祐黨人徙移近地 |中書侍郎乙已詔曰乃孟春之夕星文變見朕甚懼 不得至四輔畿向乙已 韶曰三時務農一時講武先

金岁日天台雪

黄鍾之寸而生度量權衡以作樂而京為緣飾之詔陝

之列瀆神踰分莫此之甚其能克事上帝之心乎有司 改元冬十月壬戌詔曰有天下者尊事上帝敕命惟幾 王似薨夏五月辛亥皇子栩封魯國公秋七月壬寅詔 蔡京罷趙挺之尚書右僕射兼中書侍郎三月丙辰蔡 令除毁丁未大赦天下罷方田壬子罷圖土二月丙寅 乾象之變詔元祐元符係籍黨人朝堂及外處石刻並 馬應中外臣僚並許直言朝政闕失朕虚心以改以銷 敢有弗度而釋氏之教修營佛事妄以天帝次於鬼神

文三日日 在

東都事略

自今學生願兼他經者聽量立陞進之法使天下全材 省甲午蔡京尚書左僕射兼門下侍郎壬寅吳居厚罷 大觀元年春正月戊子朔大赦天下置議禮局子尚書 薨十二月已未劉逵罷 其除削之以稱朕嚴恭寅畏之意十一 經皆通熙寧中進士以經術今已三十餘年士益習矣 壬子何執中中書侍郎 右丞丁已詔曰古之學者三年通一經十有五年則五 鄧洵武尚書左丞梁子美尚書 月辛卯陳王似

金分口及名言

皇弟 孝皇帝庚申徐處仁尚書右丞林據同知樞密院事九 父正の日本方 六月己未孫子美中書侍郎乙亥朱諤薨秋八月丁已 素以吳儲吳作謀及伏誅庚寅鄧洵武罷甲午頒新樂 寅詔以八行取士夏五月已丑皇子越封楊國公張懷 鄧河武中書侍郎 梁子美尚書左丞朱諤尚書右丞甲 異能得以進馬三月丁酉趙挺之罷何執中門下侍郎 微號曰信祖立道肇基積德起功懿文憲武睿和至 似封魏王偲鄧王皇第九子封蜀國公已未上僖 東部事略

備自天申命地不愛寶獲金玉於異土得好工於編氓 烈萬 之哉夫制 八寶既成夏無前比殆天所授非 亥大雨電徐處仁以母憂罷閏月丙戌林據尚書左丞 鄭居中同 月辛亥大專明堂大赦天下冬十月辛西蘇州地震癸 代之制而尚循秦六璽之用度越百年之久或未大 邦 作孚典章文物於斯為盛永惟受命之符當有 知 而用之存乎其人天人相 樞密院事十一月壬戌詔曰朕承祖宗休 人能為顧何德以承 因自 然之理足以

金与四周分言

ここうこ 把文安郡王相安康郡王械濟陽郡王皇第九子封廣 候封燕王他越王皇長子封定王楷嘉王極建安郡 恭受八寶 年 郡王丙子以内侍童貫為武康軍節度使三月甲子 志烈考而傳之萬世可以來年正月朔旦御大慶殿 材封 春正月壬子朔皇帝受八寶大赦天下庚申皇弟 朔日有食之乙丑兆州溪哥城王子臧征僕哥 魏國公乙亥皇子模封鎮國公黃河清夏五 王

陵之次 壬戌詔 三年春正月丁卯夷州納土已已胡耳西道靈納土二 適今之宜開元禮不足爲法今親制冠禮公革付議禮 吳國公葵酉皇后王氏崩冬十一月辛酉訪求古禮器 月辛亥林據中書侍郎余深尚書左丞壬申皇子植 降六月乙酉涪州夷族納土秋八月丙申梁子美罷九 餘五禮令視此編次十二月壬辰葬靖和皇后于裕 討 論臣庶祭禮癸亥詔曰禮當追述三代之意 Ņ 封

冬十月十二月記東南罷鑄夾錫錢 尚書左僕射兼門下侍郎秋八月乙酉皇子朴封雅國 林據罷癸已鄭居中知樞密院事管師仁同知院事癸 月两子朔播州納土三月壬申張康國薨夏四月戊寅 公九月皇子棣封徐國公江淮大旱自六月不雨至于 月甲戌朔管師仁罷丁五蔡京以太師罷辛已何執中 卯余深中書侍郎薛昂尚書左丞劉正夫尚書右丞六 四年春二月已五余深門下侍郎張商英中書侍郎 東都事略 主 侅

ここりら ここう

之冬十月丁酉立貴妃鄭氏為皇后鄭居中罷庚申吳 蒙尚書左丞鄧洵仁尚書右丞庚辰吳居厚門下侍郎 戊申皇子樗封真國公八月乙亥劉正夫中書侍郎侯 張商英尚書右僕射兼中書侍郎丙申薛昂罷秋七月 蒙同知樞密院事丁酉罷河東河北京東鑄夾錫錢夏 居厚知樞密院事十一月丁卯祀昊天上帝于國丘大 閏月已酉詔太廟親祠不用犬牲九月丙寅朔日有食 五月丁未彗出奎婁戊午大赦天下余深罷六月乙亥

卷!

			上供錢鈔	赦天下詔改元十二月罷內藏東北出刺鹽鈔及六路
	-	•		以元十二日
東部市				月罷内藏去
				果 北出剰晦
5				盟釗及六段

東都事略卷十			•		多定四月全書 **

とこうらい 聖考任賢使能惟恐弗及用事之臣弗迪訓告乗高執 襄同知樞密院事夏淮南旱五月戊辰詔以當十錢當 政和元年春正月戊寅皇子拱封定國公三月癸酉王 欽定四庫全書 于遼丁亥皇子村封廣國公冬十月辛卯詔曰朕奉承 秋八月丁已張商英罷九月戊寅王襄罷以童贯使 東都事略卷十 本紀十 東鄙事略 宋 稱 撰

皇子榛封福國公 害風教況外國之法中華豈可效之監司宜禁止丙子 馬布告列位咸諭朕意十一月葵亥詔曰毀傷支體有 羞之朕於士大夫於以 可謂無負矣其有險該躁競朋黨比周朕則放棄戮辱 而為邪附下罔上陰害紹述姦跡 嗣夏四月已五詔縣令勸課及卯詔曰古者井天 春正月童貫使還以其叛臣馬植來歸易姓名曰 節行属以康耻龍以高爵厚禄 既露猶復怙終朕甚

多好四項全書

卷

猷稽三代公孤之名改左輔右 官昔我神考有志改為或未遑暇朕適追來孝若昔大 也今宗族蕃行風大其置敦宗院於兩京以養宗室九 事六月已五余深門下侍郎秋七月甲子詔曰親親 古矣今續而成之以紹先烈馬其復方田五月皇子椿 月癸未詔曰前代以僕臣充宰相之任六卿爲三公之 封慶國公已已察京以太師楚國公三日一至都堂議 之田而衣食足神考方天下之田以正經界庶乎復 弱之號是正名實惟

1

詔 之名舊以太尉司徒司空為三公及尚書置令並罷又 考之志宜以太師太傅太保為三公少師少傅少保為 之師官不必備而惟其人祇于新書克祇厥服以成烈 錫禹者十一月 戊寅皇帝 受元圭於大慶殿大赦天 居執政之次冬十月戊子獲元主於民間蔡京以為天 久可改為武選一品之位在節度使之上其儀物班序 三孤以左輔右弱太宰少宰易侍中中書令左右僕射 太尉古官舊掌武事雖循秦漢爲三公之任名稱 卷十一日 己

一次 定四車全書 其令羣臣議奏丁五吳居厚罷鄭居中知樞密院事己 諡不著稽古建立法度之意哲宗遵制揚功永未昭顯 永言孝思不可不告可差官册告永裕永泰陵神宗尊 人亦惟我哲宗繼志述事克篤前烈顧朕何德以堪之 子握封衛國公是歲定國公拱薨 功推原本始實自我烈考弛張彌綸權與萬事以克用 三年春正月甲子詔曰朕荷天之休錫以元主告成厥 辛已何執中改少傅太宰兼門下侍郎十二月辛亥皇 東都事略

晟樂班之天下其舊樂悉禁秋七月已亥貴妃劉氏薨 並 改 雖 薛昂尚書右丞閏月两辰詔 朔 卯皇子捷封韓國公二月辛卯崇恩太后崩三月壬子 依舊仍以熾名二字易其國號兩國者以四字庚午 國公椿薨五月两午 日有食之夏四月南平夷納土葵已鄧洵仁罷已酉 公主為帝 周姓致古立制宜莫如周令帝天下而以主封姬 姬 郡主爲宗姬縣主爲族姬 昭懷皇后祔葬泰陵已酉以大 曰周 稱王姬見於詩雅 其稱大者可 可 姬

とノし

卷十

為皇太子甲寅大赦天下夏六月孟昌齡鑿大任作 祭地祇于方澤赦天下霸州納土冬十一月丁丑皇子 四年春二月皇長子行冠禮于文德殿夏五月丙戌始 **園丘大赦天下增上神宗微號改定哲宗尊諡戎州夷** 九月創方澤以祀地祇冬十一 五年春正月夷卜漏犯瀘州二月乙已立皇長子定王 梃封相國公 納土十二月保州納土 月壬寅祀昊天上帝

欠日日年日日

東都事略

攻遼人大敗 山橋 六年春二月童贯僉書樞密院事宣撫陝西河東河北 惠國公十二月戊午趙遹擒 仕 月辛五茂州夷人納土夏四月辛未何執中以太傅 輪往逐省治事辛卯上玉皇尊號曰太上開天執行 機封陳國公機封瀛國公冬十一月两戌皇子换封 已五罷夾錫錢庚寅詔蔡京三日 秋七月戊辰朔日有食之丁丑詔建明堂丁亥皇 **卜漏是歲遼人與女真交** 朝仍赴都堂

金岁口屋

白量

卷十一

とこりをとう 吏習而民安之休祥荐臻四方蒙福生齒日衆本支蕃 院事秋七月庚子詔曰朕嗣先帝盛德大業法成令具 敗夏人於臧底河成德軍五月庚子鄭居中太宰兼門 御應含真體道昊天玉皇上帝童貫以种師道之師大 大之時欲為五季變亂裁損之計朕若稽古訓審而後 人材之眾倍從於前遠矣挾姦罔上者於太平豐事豫 行蠻夷納土開疆寖廣與事造功制禮作樂四方之遠 下侍郎劉正夫少宰兼中書侍郎壬寅鄧洵武知樞密 東都事略

實冊內申大赦天下冬十一月已亥祀昊天上帝于園 葵卯上后土徽號日承天效法厚德光大后土皇地祇 蒙中書侍郎薛昂尚書左丞九月辛卯朔上昊天尊號 皆朕亦子凡百舉措當務持重違者朕不汝貸已已侯 **多安四百全書** 壇大赦天下庚子白時中尚書右丞辛五魏國公材薨 州八月葵亥詔邊臣曰北兵恃强結釁女真南北生靈 行而施之問極豈有改作蓋害成之人敢行私智為臣 不忠罪莫大此可令御史臺覺察糾奏荆湖蠻冠攻沅 卷十一

明堂成秋七月庚子詔八寶增定命寶自今以九寶爲 癸五皇帝崇尚道教號教主道君皇帝二月辛未改天 七年春正月召道士林靈素于温州築通真宮以處之 皇子握封鄆國公十二月乙酉劉正夫致仕遼主延禧 生大帝君青華大帝君像建寶籙宫三月乙未童贯權 與女真戰大敗而潰邪律淳自立於熊 下天寧觀為神霄玉清萬壽宫無觀者以寺充仍設長 この時たらか 樞密院事夏五月辛丑祭地祇于方澤赦天下六月 東都事略

封崇國公已五大赦天下庚戌王黼尚書左丞童贯帥 宰兼中書侍郎白時中中書侍郎十二月丁已薛昂門 文解以為常戊寅侯蒙罷十一月鄭居中起復余深少 告于天下自是月朔布政孟冬頒歷率推放氣運具之 冬十月乙卯朔御明堂平朔左个以是月天運致治布 稱八月鄭居中以母憂罷九月宗祀于明堂大赦天下 多定四項全書 下侍郎庚午童質領樞密院事 和元年春正月甲申朔皇帝受定命實戊子皇孫甚 巷十:

欽定四庫全書 罷閏月丁卯皇子楷封鄭王丙子 詔曰昔我藝祖受檀 侍郎馮熙載尚書左丞范致虚尚書右丞辛五鄭居中 是藏以為常康寅薛昂罷白時中門下侍郎王黼中書 建道學葵西皇子椅封嘉國公九月辛已宗祀明堂自 之六月癸酉夏人納欵秋七月壽山艮嶽成八月庚午 月庚午遣馬政由海道聘女真夏五月壬午朔日有食 于周嘉祐中擇柴氏一人封崇 義公而三恪之封不及 師與夏人戰于割牛城我師敗績熙河帥劉法死之二 卷十一 東都事 略

流戴冠丁已女真遣使者來余深太宰兼門下侍郎 士寺為宮院為觀禁銅鈸塔像佛賜天尊服德士依道 宣和元年春正月壬子皇子樞 爲 恭帝後以其世監周陵廟與知縣請給以示繼絕之 改佛為大覺金仙 禮蓋未盡除崇義公依舊外擇柴氏最長見存者為周 改用履 國三恪冬十 月已 餘為仙人大士僧稱德士尼為女德 酉 朔大赦天下改元丙子詔 封肅王杞景王乙卯 服 詔

欽定四庫全書 東都事略 歸于温州戊辰張邦昌尚書左丞王安中尚書右丞是 秋八月丁酉神霄宮成九月乙卯范致虚以母憂罷冬 四月丙子朔日有食之癸已禁邊將以陳亡為逃亡者 書左丞張邦昌尚書右丞京師大水是月皇后親蠶夏 詔行籍田改元三月已未馮熙載中書侍郎范致虚尚 黼少宰兼中書侍郎癸酉皇子棟封温國公二月庚辰 歲金人攻遼國陷其東京黃龍府 一月乙卯祀昊天上帝于園壇大赦天下放林靈素 :

政 錫速号魯等來乙已 國 杭歙等州十一月已亥余深罷庚戌王黼太宰兼 西罷方田秋七月皇子穗封英國公儿月壬寅金國遣 二年春正月甲子罷道學二月乙亥趙良嗣王琼聘 聘金國冬十 極密院事 ?郎十二月丁亥以童贯譚稱討方臘已五鄭居中 夏五月甲子祭地祇于方澤六月戊寅蔡京致仕 月戊辰朔日有食之睦州 詔 復佛號德士復爲僧丙辰以 方臘陷睦 門 摊 婺 馬 金

伏誅冬十一月丁丑馮 月 薨庚寅童貫以其將辛與宗與方臘戰于青溪鄉之五 罷辟雅及已大赦天下方臘陷楚州 應奉司秋七月戊子童貫俘方臘以獻八月丙辰方臘 安郡王二月丁卯罷淮南兩浙福建等路計置華石記 ススニリニー ここう 陽軍又犯京東河北入楚海州 年春正月壬寅鄧洵武薨戊午皇子相封濟王模 两申宋江就擒戊戌鄭居中領樞密院事蝗閏月置 東部事格 **熈載罷張邦昌中書侍郎王安** 夏四月丙寅貴妃劉氏 淮南盗宋江犯

淳納土稱 藩中也如燕民未悅服按兵巡邊全師而還 撫陝西河東河北時金人己破中京遼主延禧追上以 四年春正月金國遣使來約夾攻遼國丁丑以童贯宣 羣盜悉平 中尚書左丞李邦彦尚書右丞辛已皇子桐封儀國公 下也二月丙午皇子植封信安郡王三月辛西幸太學 一策付貫如燕人悅而從之因以復舊疆上也如 二月壬子皇子棫封益王皇第九子封康王模祁 卷:十十一: 耶 律

祀昊天上帝于園壇大放天下十二月戊子趙良嗣周 月已未金國遣徒姑且爲歇髙慶裔來冬十一月庚午 氏納欸秋八月辛亥遼國郭樂師以涿易二州來降九 軍白溝為變离不所襲記班師六月耶律淳死其妻蕭 詔求遺書于天下五月丁卯皇子柄封昌國公童贯以 夏四月以童貫為河北河東路宣撫使蔡攸副之丙午 可世之師與遼人戰于涿州之新城敗績种師道進 使于金國壬寅皇子植封萃王 户 部部 路

五月庚申王黼爲太傅楚國公平州張覺以其地來降 師入熱山庚戌赦河北河東燕山路部熊京改為燕山 李邦彦尚書左丞趙野尚書右丞皇子朴封華原郡王 癸酉祭地祇于方澤六月戊中鄭居中薨辛亥蔡攸領 來命盧益趙良嗣馬擴聘之夏四月庚子童貫蔡攸即 棣髙平郡王三月乙卯金國遣寧术割王度剌撒盧母 府趙良嗣等得金國誓書以熊京六州來歸至是撫定 五年春正月王安中為河北燕山路宣撫使二月乙酉

欽定匹庫全書

次巴马斯科 年首犯王師於白溝繼復旅拒燕城旋命偏師敗於廣 命克紹先猷取亂侮亡恢復境土施大澤於燕雲間舊 繼天與道殿文神武睿聖皇帝上不許八月辛丑遼國 極密院事秋七月已未童貫致仕庚午羣臣上尊號曰 俗來歸如水就下獨偽四軍大王變离不悖衆逆命前 六年春正月奚人殺夔离不傳首于我詔曰朕誕膺帝 四軍變离不率師犯景薊與王師遇敗之于峯山冬十 月戊申皇子朴封儀王棣封徐王 東都事略

功朕 容誅爰飭六師大敗於峯山隻輪不返甲辰傳首京 金安口及人 盜 燕雲免夫錢於逐路郡縣守吏往往以軍法誅民河 惟予克相上帝以遏亂略皇天助 陽之北乃敢干天之紀 郡 起秋八月 西陳橋顯烈官成丁已李邦彦以父憂起復六月 敢專享可擇日奏告宗廟二月丁亥皇子楞封 王已亥親耕籍田閏三月辛已皇后親蠶夏四月 童貫落致仕領樞 擅 卷十 即偏位去年輕冠景前罪 順宗拓垂体有此 密院事陝西河 師 駿 起 河

七年春正月癸酉朔韶告諭 置講議司十二月癸亥蔡京落致仕領三省事是歳金 覺傳首與之冬十一月丙子王黼致仕丙戌韶尚書省 故復用貫玉戌大赦天下九月乙亥白時中太宰兼門 河東燕山府路宣撫使金人以我之納張覺也欲敗盟 宇文粹中尚書右丞蔡懋同知樞密院事金人來取張 下侍郎李邦彦少宰兼中書侍郎丁亥趙野尚書左丞 、擒遼主延禧于夾山遼亡 河北河東盗贼唐鄧汝颖

たこのられる

東都事略

さ

老撐幼 流移人户方春田桑宜使復業言念良民皆吾赤子比 厭 縁 伺 月已已皇子拭封南康 詔 大臣風音以為 罪仍放宣和六年未納 用 今廣開言路尓其各 非 曰往者臺綱不振植黨交私耳目之寄夫何 動以萬計 其人政失厥中不能撫 鄉背務公好惡振 轉 而爲盜 揚乃職母憚大吏母徇私 郡王榛平陽郡 稅 租監司州縣奉行母忽 非其本心為之則然其 御安集使飢寒流離扶 紀綱と 王三月丙戌皇 副朕意 交 賴 赦 毋 馬 て

金分口及白書

卷十

STED TOTAL STED 司凡有侵漁蠹耗之事理宜裁抑應不急之務無名之 憲母復侵紊五月壬午皇子樅封 佐王論道經緯國事則三公其任馬三省並依元豐成 復置令虚而不除三公止係階官更不總領三省若曰 丞弼殊成備自殊失所以紹述憲章之意可於尚書省 弼之職今居三公論道之位而總理三省聚務使宰輔 而論道於燕閒者三公之事作而相與推行者宰輔丞 子模封建安郡王夏四月庚申蔡京致仕戊辰詔曰坐 東都事略 潤國公壬辰 記口有

師十一 戌皇子楞封沂王八月罷講議司冬十一月丙戌祀昊 七月庚午朔禁士庶名字有犯天王君聖及主字者甲 費令講議司條具以 承 天上帝于圈壇大赦天下金人分道入冤斡离不冤燕 黏罕冠河東踰石嶺關兩哲會于河北遂以兵向京 而過咎形于天下蓋以寡昧之資籍盈成之業言路 祖宗休德託于士民之上二紀于兹雖就業存于中 月罷應奉司戊午皇太子除開封牧 聞六月乙已童貫封廣陽郡王秋 詔曰朕獲

金少口匠

と言い

卷十

念前 朕 肆 籍 而 壅蔽導諛日聞思倖持權貪饕得志措紳賢能陷於黨 力多作 信 朕不悟衆庶怨懟而朕不知追惟 誅求諸軍衣糧不時而冗食者坐事富贵災異詢 政事與廢拘於紀年賦斂竭生民之財戍役困軍 躬庶以少謝天下譴怒之心保全祖宗 此 詔大革弊端 數 有 無益侈靡成風利源辜推己盡而年利者尚 詔旨 如下令以求直言脩政以應天變行 仍命輔臣蠲 除害政凡兹 已愆悔之何及己 製難之業 引咎與 慨 自 見 伍

欠巴马甲合

東都事略

古四

草澤之中懷抱異材能為國家建大計定大業或出使 之人來徇國家一日之急應天下方鎮郡邑守令各率 奇策庶能解紛望四海勤王之師宣二邊禦敵之略永 氣沮傷今日所行質諸天地後復更易何以有邦況當 之未久奪于權臣乃復歸咎建議臣僚使號令不信士 師募眾勤王捍邊能立奇功者並優加異獎不限常制 念累聖仁厚之德涵養天下百年之餘豈無四方忠義 今急務在通下情不諱切直之言 兼收勇智之士思得

金岁卫居台書

卷十

疆外者並不次任使其尤異者以將相待之中外臣僚 久三日年上島 與五年四月乙未道君皇帝崩聖壽五十四益曰聖文 皇帝遜位于皇太子辛酉皇太子即位尊皇帝曰道君 當親覽雖有失當亦不加罪咨尔萬方體予至意庚申 七庶並許實封直言極諫於登聞檢院通進司投進朕 仁德顯孝皇帝廟號徽宗十二年八月乙丑歸殯于龍 二月丁卯道君皇帝出郊三月丁已道君皇帝北狩紹 太上皇帝居龍德官皇后曰道君太上皇后靖康二年 東都事略 盂

彰信兆民遜位于子以克謹天戒雖二駕遠狩而大業 德宫十月丙寅葬永祐陵丙午加上等益曰體神合道 駿烈遜功聖文仁德憲慈顯孝皇帝 金号电压台言 與有以也夫 **奉**陰用則既 政 事而純仁以病不能造朝烏摩純仁不得 末命欽聖定策以立徽宗起范紀仁于謫 此治亂之所以分也夫忠臣進則朝 亂作徽宗既已悟矣於是改過不各以 廷

というのはんか			•		
東都事略					
,		,			
十六一					

_					 		
	東都事略卷十一					•	金分巴尼台電
	٠	-		•			卷十一
				,			
			÷			-	•
: .							